

## Ик гидротехническ тосхлт

Черкесск болн Усть-Джегутинск станиц хойран эргмд Кубань-Калаусск ус оруллгъна болн газр усллгъна системин тосхлгин кӧдлмш эклдж кегдӧд тавн сар шаху болдж йовна. Кӱчгӧ-жӱчгӧ экскаватормуд, бульдозермуд болн нань чигн механизмуд олзлад, толгъа канал кесг олн километр малтгдв.

Эн тосхлт Северн Кавказд ик гиснь болчкад, чинртӧ, юнъгад гихлӧ Кубань голин усн Невинномысск, Курсавск, Петровск, Суворовск болн нань чигн хагсу райодин газриг ханъгъадж услхмн. Кесг сай гектар газр ӧм-залгъгч усар ундан хӧрӱлх. Цуг каналмуд ундан 765 километр, шин тосхлтин ус оруллгъ хувагъна сеть ундан элвг 3.100 километр. Терӱнас нань 40 водохранилищ, 83 боодгуд тосхгдхмн.

Кубань-Калаусск систем ганцхн усарн ӱнтӧ биш. Эн тосхлт болхла элвг болчкад, килвр электроэнерг бас ӧгхмн. Тер тосхлтин гурви каскадтнь, кесг зун минъгън киловатт чидлтӧ 32 гидроэлектростанц тосхгдхмн.

Ик гидг мӧнъгн болн кӱчнкӧлсн шин тосхлтд кергтӧ, юнъгад гихлӧ, 22 сай кубометр газрин кӧдлмш, 600 минъгън кубометр бетон болн железобетон, элвг 20 минъгън тонн металлоконструкц болн гидросиловой оборудовань тӧвгддж, кӱцӧгдх зӧвтӧ.

Тиим ик кӧдлмшӧс тосхачнр ӧӧдж бӧӧхш, хӧрнь ӧдрсӧ уга шунмгъа кевӧр кӧдлцхӧнӧ. Эрк биш кергтӧ Кубанӧ усиг каналар орулад авчирх гидж тосхачнрт цугъар ицджӧ цхӧнӧ.

Б. ТИМОФЕЕВ.